

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ԶԵՐԲԱԿԱԼՎԱԾ ԱՆՁԱՆՑ ՊԱՇՏԵՂՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1386

20.11.2013թվ.

ՀՀ ոստիկանության պետ
գեներալ-լեյտենանտ
պարոն. Վ.Գասպարյանին

Հարգելի պարոն Գասպարյան,

Դիտորդական խումբը սույն թվականի նոյեմբերի 15-ին այցելություն էր կատարել ՀՀ ոստիկանության Արարատի ՄՎ Արարատի ՁՊՎ: Այցելության ընթացքում արձանագրվել է, որ



1. Ինչպես նախորդ այցելության ընթացքում, այս անգամ նս.

- Խցերում առկա սպիտակեղենը և սրբիչները գտնվում էին կեղտոտ վիճակում
- Զուգարանի ջրի ծորակը չէր աշխատում և անհրաժեշտ էր կատարել օդափոխություն
- ՁՊՎ-ի գրանցամատյաններում կատարվող գրառումները կատարվում են ջնջումներով, մասնավորապես փոփոխվում են ժամերը

2. Թերություններ

- ՁՊՎ-ի բուժենյակում որևէ տեսակի դեղորայք առկա չէր
- Սանհանգույցում բացակայում էր հիգիենիկ թուղթը և տաք ջուրը
- <<Ձերբակալվածներին խցերից դուրս բերելու գրանցամատյանը լրացվում է խախտումներով: Օրինակ՝ N129 հերթական համարից հետո լրացված է N 30 և այդպես շարունակական մինչև N99 և N 100, N 101...: /փաստը հաստատող նկարներ - 1,2,3,4,5/

3. Խախտումներ




- Ռուբիկ Սիրեկանի Վարդանյան - ըստ «ՁՊՎ-ում պահվող անձանց հաշվառման» գրանցամատյանի ՁՊՎ է ընդունվել 02.11.2013թ-ին ժամը 16³⁰, սակայն ձերբակալման արձանագրությունը կազմվել է քննիչի սենյակում 02.11.2013թ-ի ժամը 16²⁵-16³⁵, այն ժամանակ, երբ նա արդեն իսկ գտնվել է ՁՊՎ-ում: Արդյունքում՝ ՁՊՎ-ի վարչակազմը առանց բավարար հիմքերի անձին ընդունել է ՁՊՎ: /փաստը հաստատող նկարներ -6,7/
- «Ձերբակալվածներին խցերից դուրս բերելու» գրանցամատյանում բացակայում է անձանց բուժօգնության համար խցից դուրս բերելու գրառումները:
- Մուրեն Մուշեղի Կարապետյանը 11.07.2013թ-ին ժամը 13⁰⁵ և ժամը 12³⁰ ստացել է բուժօգնություն շտապօգնության բժիշկների կողմից /ժամերը ջնջված և փոխված են/, սակայն ցուցաբերած օգնության վերաբերյալ գրառումների դիմաց ՁՊՎ-ի օրվա հերթապահ ոստիկանը հաստատել է իր անուն ազգանունով և ստորագրությունով: Արդյունքում՝ կարելի է եզրակացնել, որ հերթապահ ոստիկանն է ցույց տվել բուժօգնություն, իսկ եթե ոչ՝ ապա ինչու է բժշկի կողմից կատարած գրառման դիմաց հաստատել ոստիկանը: /փաստը հաստատող նկար - 8/

Այսպիսով խնդրում ենք ուսումնասիրել ներկայացված փաստերը և տալ մեկնաբանություն ներկայացված իրավախախտումների վերաբերյալ:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N 2/2-1-

<< >> 2013թ.

Ձեր 20.11.2013թ. թիվ 2621/1386 գր.

ՀՀ ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից ս/թ նոյեմբերի 15-ին ՀՀ ոստիկանության Արարատի մարզային վարչության Արարատի բաժնի ձերբակալվածներին պահելու վայր կատարած այցելության ընթացքում արձանագրված խախտումները և թերությունները ուսումնասիրվել են ՀՀ ոստիկանության շտաբում, քննչական գլխավոր վարչությունում, իսկ Արարատի մարզային վարչությունում կատարվել է ծառայողական քննություն, որի կապակցությամբ տրվում են ներքոշարադրյալ մեկնաբանությունները:

Նշված խախտումների 1-ին կետի վերաբերյալ հայտնվում է, որ Ռ.Վարդանյանը քննիչի կողմից ձերբակալվել է 02.11.2013թ. ժամը 16.25-ին և ՁՊՎ տեղափոխվել 16.30-ին, իսկ ժամը 16.35-ին համաձայն ՀՀ քր. դատ. օր-ի 63-րդ հոդվածի 2-րդ մասի 9-րդ կետի ՁՊՎ-ից հեռախոսազանգի միջոցով Ռ.Վարդանյանի որդուն իրազեկվել է հոր գտնվելու մասին, որը նշվել է ձերբակալման արձանագրության միջ:

Այսպիսով անհասկանալի է թե դիտորդների խումբը որտեղից է արձանագրել, որ ձերբակալման արձանագրությունը կազմվել է ժամը 16.25-ից մինչև 16.35-ը ընկած ժամանակահատվածում:

Դիտորդների կողմից արձանագրված մյուս բոլոր թերությունները և խախտումները կատարված ուսումնասիրությունների և ծառայողական քննության արդյունքում հիմնավորվել են, որոնցից մի մասը արդեն իսկ վերացվել է:

Ծառայողական քննության արդյունքում բաժնի հերթապահ մասի պետը ենթարկվել է կարգապահական պատասխանատվության, իսկ մի խումբ ծառայողներ խիստ նախազգուշացվել են:

Միաժամանակ հայտնվում է, որ ոստիկանության Արարատի մարզային վարչության ղեկավարության կողմից համապատասխան հանձնարարական է տրվել ՁՊՎ վարչակազմին՝ արձանագրված թերություններն ու խախտումները վերացնելու և հետագայում նմանօրինակ դեպքերը բացառելու համար:

ՀՀ ոստիկանության շտաբ